



Republika e Kosovës
Republika Kosova - Republic of Kosovo



AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

KOSOVES REPUBLIKA KOSOVA/REPUBLIC OF KOSOVO
 AGJENCIA KUNDËR KORRUPSIONIT
 AGENCIJA PROTIV KORUPCIJE
 ANTI-CORRUPTION AGENCY

Dep. _____
 Dep. _____
 Dep. _____
 Nr. I faq. _____
 Drog. frames _____
 Nr. pages _____

Nr. Prot. _____
 Br. Prot. _____
 Prot. No. _____
 Data _____
 Datum _____
 Date _____

PRISHTINE

DATE/A:	05.04.2018
REFERENC-Ë:	AKK- DPKPP /03-03-1068/18
PËR/ZA/TO:	z. Ali HOXHA, u.d. Drejtor i Departamentit të Prokurimit në Ministrinë e Mjedisit dhe Planifikimit Hapësinor
CC:	z. Arben ÇITAKU, Sekretar i Përgjithshëm në Ministrinë e Mjedisit dhe Planifikimit Hapësinor
NGA/OD/FROM:	Shaip HAVOLLI, Drejtor i Agjencisë Kundër Korrupsionit
TEMA/SUBJEKAT/SUBJECT:	Opinion lidhur me Tenderin me titull " Sigurimi Fizik i Objekteve të AMMK-së (ri-tender) "

I nderuari z. HOXHA,

Në mbështetje të nenit 142 (par. 3) të Kushtetutës së Republikës së Kosovës, nenit 5 (par. 1, nënpar. 1.1.) dhe 21 të Ligjit nr. 03/L-159 për Agjencinë kundër Korrupsionit, nenit 8 (par. 4), 9 (par. 1, nënpar. 1.6), 12 (par. 2) dhe 19 (par. 1, nënpar. 1.6) të Ligjit nr. 04/L-051 për Parandalimin e Konfliktit të Interesit në Ushtrimin e Funkcionit Publik, si dhe të nenit 23 të Rregullores nr. 01/2014 së Punës së Agjencisë kundër Korrupsionit, lidhur me Tenderin " **Sigurimi Fizik i Objekteve të AMMK-së (ri-tender)** ", me numër të prokurimi: 210-18-1829-211, me nr. të brendshëm: 210-18-004-211, Agjencia kundër Korrupsionit, ofron këtë:

OPINION

Me të cilin kërkohet nga ju si Autoritet Kontraktues që t'i ndërmerri të gjitha veprimet e nevojshme drejt evitimit të shkeljeve të evidentuara në lidhje me Tenderin " **Sigurimi Fizik i Objekteve të AMMK-së (ri-tender)** ", me numër të prokurimi: 210-18-1829-211, me nr. të brendshëm: 210-18-004-211, në mënyrë që të respektohen dispozitat përkatëse të Ligjit për prokurimin publik nr. 04-L/042, i plotësuar dhe ndryshuar me Ligjin nr. 04/L -237, Ligjin nr. 05/L-068 dhe Ligjin nr. 05/L-092.

Arsyetimi

Agjencia kundër Korrupsionit (në tekstin e mëtejme Agjencia), duke vepruar sipas detyrës zyrtare pas kontrollimit të njoftimeve për kontratë që ka bërë në Sistemin elektronik të Prokurimit, me datë 05.04.2018, ka nxjerrë vendim me numër protokolli: *AKK-03-03-1068/18*, për fillimin e procedurës për trajtimin e rastit në lidhje me aktivitetin e prokurimit publik me titull "*Sigurimi Fizik i Objekteve të AMMK-së (ri-tender)*", me numër të prokurimi: *210-18-1829-211*, me nr. të brendshëm: *210-18-004-211*, i iniciuar nga Autoriteti Kontraktues Ministria e Mjedisit dhe Planifikimit Hapësinor.


Agjencia në bazë të dokumenteve të nxjerra nga platforma **E-Prokurimi** ka analizuar njoftimin për kontratë, dosjen e tenderit dhe pjesën e specifikimeve teknike, ku ka konstatuar se Autoriteti Kontraktues, për këtë aktivitet të prokurimit ka paraparë procedurën e hapur, kontratë publike të llojit shërbime, me vlerë të madhe në shumë prej 240.000,00 €.

Agjencia, gjatë analizimit të njoftimit për kontratë dhe dosjes së tenderit ka vërejtur se edhe tek rubrika III.2.4. *Kapaciteti teknik/profesional tek kërkesa 1* është kërkuar që Operatori ekonomik duhet të ofrojë dëshmi se ka përfunduar **minimum 2 kontrata me sukses të shërbimeve të sigurimit fizik gjatë tri viteve të fundit nga data e publikimit të njoftimit në vlerë prej jo më pak se 300.000,00 €**, kërkesë kjo për të cilën Agjencia, gjithashtu konsideron se nuk është në pajtim me dispozitat e Ligjit në fuqi për Prokurimin Publik më saktësisht me nenin 69.

Sipas Legjislacionit në fuqi për Prokurimin Publik më saktësisht në nenin 69 paragrafi 4.2. parashihet se " Për ta vërtetuar aftësinë teknike dhe profesionale të Operatorëve ekonomik, Autoriteti Kontraktues mundet të kërkoj listën me të cilën saktësohen të gjitha kontratat kryesore të rëndësishme të shërbimeve të realizuara në periudhën e shkuar trevjeçare, duke saktësuar llojin e shërbimeve të përfshira, shumën e kontratës, datën dhe pranuesin; (i) kur shërbimet janë siguruar për Autoritetin Publik në Kosovë ose në vendin tjetër, si dëshmi për këtë sigurim të shërbimeve do të shërbejë kopja e certifikatës (certifikatave) përkatëse të lëshuar ose bashkë nënshkrura nga Autoriteti i tillë Publik; (ii) kur shërbimet janë siguruar për blerësin privat, dëshmi për këtë sigurim të shërbimeve duhet të jetë kopja e çdo dokumenti të nënshkruar nga blerësi dhe evidentimi i sigurimit të tillë.

Pra në këtë rast do duhej të kërkohej lista e kontratave bashkangjitur si dëshmi referencat mbi përfundimin e kontratave në vlerë totale të gjitha referencave të shërbimeve të ngjashme të realizuara në tri vitet e fundit para publikimit të njoftimit për kontratë e jo si në rastin konkret ku janë kërkuar minimum 2 referenca në vlerë prej 300.000,00 €.

Konsiderojmë se veprimet e tilla si në rastin konkret e kufizojnë konkurrencën e lirë dhe diskriminojnë Operatorët ekonomik të cilët mund të bëjnë shërbime të tilla të kënaqshme.



Veprimet e Autoritetit Kontraktues, konsiderojmë se bien ndesh me nenin 7 Barazia në trajtim dhe jo-diskriminimi, nenin 27 Dosja e Tenderit dhe nenin 69 Aftësia teknike/profesionale të Ligjit për Prokurimin Publik nr. 04-L/042 i plotësuar dhe ndryshuar me Ligjin nr. 04/L -237, Ligjin nr. 05/L-068 dhe Ligjin nr. 05/L-092.

Konsiderojmë se shkelje të tilla nuk duhet lejuar në aktivitete të prokurimit, andaj Agjencia Kundër Korrupsionit rekomandon që të evitohen këto shkelje, përmes njoftimit standard për informata shtesë dhe për përmirësimin e gabimeve, duke i njoftuar Operatorët të cilët e kanë tërhequr dosjen e këtij tenderi.

Po ashtu ju njoftojmë se lidhur me këto të gjetura do të njoftohet Komisioni Rregullativ i Prokurimit Publik – KRPP.

Autoritetet Kontraktuese e informojnë Agjencinë për veprimet e ndërmarra.

Me respekt !

